

Na osnovu čl. 4.2. tačka (2), 4.7. i 7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", broj 7/02, 13/03, 76/09 i 1/11), člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 4. stav (2) tačka d) i člana 16. Pravilnika o licencama – Prečišćeni tekst ("Službeni glasnik BiH", broj 63/16), rješavajući po zahtjevu pravnog lica "Ekoenergija" d.o.o., Brčko Distrikt Bosne i Hercegovine od 31. marta 2025. godine, koji je dopunjen 16. maja 2025. godine i 27. juna 2025. godine, na sjednici Državne regulatorne komisije za električnu energiju, održanoj xx. septembra 2025. godine, donijeta je

ODLUKA

O IZDAVANJU PRETHODNE DOZVOLE ZA IZGRADNJU OBJEKTA ZA PROIZVODNJU ELEKTRIČNE ENERGIJE

1. Pravnom licu "Ekoenergija" d.o.o., Brčko Distrikt Bosne i Hercegovine, izdaje se prethodna dozvola za izgradnju objekta za proizvodnju električne energije – fotonaponske elektrane "Donji Rahić - Kladje" na lokaciji urbanog područja Donji Rahić, Brčko Distrikt Bosne i Hercegovine, instalirane snage (DC) 12 143,60 kWp i (AC) 9 800 kVA.
2. Prethodna dozvola iz tačke 1. ove Odluke izdaje se na period od **. septembra 2025. godine do **. septembra 2031. godine i koristi se u skladu s Uvjetima za korištenje prethodne dozvole za izgradnju objekta za proizvodnju električne energije, koji su sastavni dio ove Odluke.
3. Vlasnik prethodne dozvole je u obavezi započeti izgradnju elektrane iz tačke 1. ove Odluke najkasnije u roku od dvije godine. U suprotnom, prethodna dozvola za izgradnju prestaje da važi.
4. Vlasnik prethodne dozvole je u obavezi obavijestiti Državnu regulatornu komisiju za električnu energiju o početku i završetku gradnje, te pribaviti licencu za proizvodnju električne energije prije puštanja u rad elektrane iz tačke 1. ove Odluke.
5. Ova Odluka stupa na snagu danom donošenja, a njen dispozitiv bit će objavljen u "Službenom glasniku BiH", službenim glasilima entiteta i Brčko Distrikta Bosne i Hercegovine.

Obrazloženje

(po okončanju postupka)

Broj: 05-28-12-152-xx/25
xx. septembra 2025. godine
Tuzla

Predsjedavajući Komisije
Suad Zeljković



NACRT

UVJETI ZA KORIŠTENJE PRETHODNE DOZVOLE ZA IZGRADNJU OBJEKTA ZA PROIZVODNJU ELEKTRIČNE ENERGIJE

Broj: 05-28-12-152-*/25

Naziv vlasnika prethodne dozvole: "Ekoenergija" d.o.o., Brčko Distrikt Bosne i Hercegovine

Tehničke karakteristike proizvodnog objekta:

- Nazivni napon: 0,8 kV
- Transformator: 4 TS od 2,5 MVA
- SN postrojenje: ABB
- Broj panela: 17 348
- Broj invertera: 28 x 350 kW
- Instalirana snaga: (DC) 12 143,60 kWp, (AC) 9 800 kVA

1. Opće odredbe

- 1.1. Prethodna dozvola za izgradnju objekta za proizvodnju električne energije – fotonaponske elektrane "Donji Rahić - Kladje" (u daljnjem tekstu: "prethodna dozvola"), izdata je Odlukom Državne regulatorne komisije za električnu energiju (DERK) broj 05-28-12-152-*/25 od *. septembra 2025. godine, u skladu s Pravilnikom o licencama – Prečišćeni tekst ("Službeni glasnik BiH", broj 63/16).
- 1.2. Prethodna dozvola je izdata na period od od *. septembra 2025. godine do *. septembra 2031. godine. Vlasnik prethodne dozvole je u obavezi započeti izgradnju objekta za proizvodnju električne energije najkasnije u roku od dvije godine. U suprotnom, prethodna dozvola prestaje da važi.
- 1.3. Prije početka rada objekta za proizvodnju električne energije, vlasnik prethodne dozvole je u obavezi od DERK-a ishodovati odobrenje za probni rad, a potom i licencu za proizvodnju električne energije.

2. Postupak izgradnje objekta za proizvodnju električne energije

- 2.1. Vlasnik prethodne dozvole dužan je postupati u skladu s odredbama Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), pravila i propisa Državne regulatorne komisije za električnu energiju, kao i ovih Uvjeta.
- 2.2. Obaveze definirane u ovim Uvjetima ne umanjuju obaveze vlasnika prethodne dozvole definirane zakonom.

3. Obaveze i prava vlasnika prethodne dozvole

- 3.1. Vlasnik prethodne dozvole je u postupku izgradnje objekta za proizvodnju električne energije u obavezi postupati u skladu s važećim propisima iz oblasti gradnje, obavljanja elektroenergetskih djelatnosti i zaštite okoline.
- 3.2. Vlasnik prethodne dozvole je dužan u toku izgradnje objekta za proizvodnju električne energije permanentno ispunjavati kriterije utvrđene odredbama člana 46. Pravilnika o licencama, na osnovu kojih mu je prethodna dozvola izdata i podnositi DERK-u o tome odgovarajuće dokaze.
- 3.3. U slučaju promjene bilo kojeg od kriterija iz člana 46. Pravilnika o licencama, vlasnik prethodne dozvole je u obavezi o tome bez odlaganja obavijestiti DERK.

- 3.4. Vlasnik prethodne dozvole je dužan redovno ili po zahtjevu DERK-a, dostavljati DERK-u finansijske, tehničke i ostale izvještaje ili podatke u formi i obimu definiranom ovim Uvjetima ili zahtjevom DERK-a.
- 3.5. Vlasnik prethodne dozvole je dužan pripremati finansijske izvještaje i transparentno voditi računovodstvene evidencije u skladu s važećim propisima i računovodstvenim standardima koji važe u Bosni i Hercegovini, kao i u skladu s pravilima DERK-a.
- 3.6. U slučaju bilo kakvih ograničenja u pogledu određivanja lokacije i korištenja zemljišta za izgradnju objekta za proizvodnju električne energije, vlasnik prethodne dozvole je dužan bez odlaganja obavijestiti DERK.
- 3.7. Vlasnik prethodne dozvole je u obavezi ostvarivati energetska efikasnost korištenja primarnih izvora energije, kako je to definirano planskom i projektnom dokumentacijom.
- 3.8. Vlasnik prethodne dozvole je u obavezi otkloniti sav otpad prouzročen i nastao tokom izgradnje proizvodnog objekta.
- 3.9. Ukoliko se izgradnja proizvodnog objekta ne okonča u roku određenom Odlukom o izdavanju prethodne dozvole broj 05-28-12-152-*/25 od *, septembra 2025. godine i ne ishoduju odobrenje za probni rad i licenca za proizvodnju električne energije, vlasnik prethodne dozvole je u obavezi demontirati i ukloniti svu opremu i materijal, te zemljište vratiti u prvobitno stanje.
4. Nadgledanje obavljanja izgradnje objekta za proizvodnju električne energije
 - 4.1. DERK nadgleda sve aspekte usklađenosti djelovanja vlasnika prethodne dozvole s ovim Uvjetima, kao i svim odredbama relevantnih zakona i propisa DERK-a.
 - 4.2. DERK može pokrenuti hitni postupak u cilju reagiranja na osnovanu sumnju o povredi obaveza iz prethodne dozvole, na vlastitu inicijativu ili kao odgovor na zahtjev bilo kojeg lica.
 - 4.3. DERK vrši najavljene i nenajavljene inspekcije objekata i dokumenata vezanih za obavljanje aktivnosti iz prethodne dozvole. DERK ima pravo pristupa gradilištu i objektima vlasnika prethodne dozvole ili objektima kojima upravlja vlasnik prethodne dozvole, prostorijama vlasnika prethodne dozvole, njegovoj opremi, dokumentima, poslovnim knjigama i arhivi kako bi izvršio pregled izgradnje za koje je izdata prethodna dozvola. Vlasnik prethodne dozvole DERK-u pruža svaki vid pomoći zatražen u toku pregleda.
 - 4.4. Vlasnik prethodne dozvole obavještava DERK o svakoj povredi ovih Uvjeta u roku od sedam dana od saznanja vlasnika prethodne dozvole da je došlo do povrede.
5. Dostavljanje podataka i izvještaja
 - 5.1. Vlasnik prethodne dozvole dostavlja izvještaje DERK-u na način kako je definirano u ovim Uvjetima, kao i izvještaje po posebnom zahtjevu DERK-a, na način i u formi koju propiše DERK.
 - 5.2. U roku od 90 dana po isteku fiskalne godine, vlasnik prethodne dozvole će dostaviti svoj godišnji izvještaj o poslovanju za tu fiskalnu godinu. Revidirani finansijski izvještaj će se dostaviti u roku od 180 dana po isteku fiskalne godine. Vlasnik prethodne dozvole u istim rokovima dostavlja i finansijski izvještaj o aktivnostima za koju mu je izdata prethodna dozvola.
6. Važenje prethodne dozvole
 - 6.1. Vlasnik prethodne dozvole je u obavezi započeti izgradnju objekta za proizvodnju električne energije – fotonaponske elektrane “Donji Rahić - Kladje” u roku od dvije godine od dana stupanja na snagu odluke kojom mu je izdata prethodna dozvola.

- 6.2. Prethodna dozvola izdaje se na period od šest godina, odnosno od **. septembra 2025. godine do **. septembra 2031 godine.
 - 6.3. Prije početka rada objekta za proizvodnju električne energije, vlasnik prethodne dozvole je u obavezi od DERK-a ishodovati odobrenje za probni rad, a potom i licencu za proizvodnju električne energije.
7. Sankcije
- 7.1. Ukoliko se vlasnik prethodne dozvole ne pridržava važećih propisa ili ovih Uvjeta, primijenit će se kaznene odredbe predviđene zakonom.
 - 7.2. DERK može vlasniku prethodne dozvole dostaviti administrativno obavještenje o povredi i pozvati ga na administrativno poravnanje zbog povrede dozvole, prije nego što se primijene kaznene odredbe.
 - 7.3. Prije primjene mjere iz tačke 7.2., u slučajevima kada to okolnosti dozvoljavaju, DERK će pisanim putem opomenuti vlasnika prethodne dozvole i odrediti rokove za otklanjanje nedostataka.
8. Odredbe o obavješćavanju
- 8.1. Adresa vlasnika prethodne dozvole koja se koristi u svrhu dostavljanja obavještenja je:
“Ekoenergija” d.o.o., Brčko Distrikt Bosne i Hercegovine, Bulevar mira 8A, zgrada “Delta” I, 76100 Brčko.
 - 8.2. Obavješćenja se dostavljaju na adresu vlasnika prethodne dozvole.
 - 8.3. Vlasnik prethodne dozvole može promijeniti svoju adresu koja se koristi u svrhu dostavljanja obavješćenja, ali o tome mora unaprijed obavijestiti DERK.